



39. ՄԱՐԴ ՈՒ ԿՆԿԱ ՍԵՐԸ ՈՒՐԻՇ ԹԱՎՈՒՐ ԲԱՆ Ա

Մի վախտ Ղլաթ քաղաքում մի մարդ էր կենում՝ անումը Շաղո: Շաղոն ալեի-մալեի մի տղա ունեւ: Նա ուզեց, որ իրան Հովան տղին իրա սաղ վախտը նշան դնի ու պսակի: Շաղոն նրան նշան դրեց Շուշան անմավոր մի աղջկա վրա, որին Հովանը շատ վաղուց էր, որ սիրել էր: Շաղոն Հովանին վե կալավ գնաց՝ Վան քաղաքը, որ հարսանիքի հմար զադ-մադ առնի: Ճամփեն Վանա ծովի վրովն էր: Ինչ որ պետքն էր առավ, գյամու վրա գրեց ու ճամփա ընկավ: Դեռ հլա նոր էին հասել ծովի մեջտեղը, որ էնթավոր քամի վե կացավ ծովի վրա ու գյամին ըթմիշ արեց: Հովանը ընկավ ծովը, համա Շաղոն՝ նրա հերը մնաց սաղ:

Շաղոն շատ ա մղկտում, էսպես հաղ ա ասում Հովանի բերնից.

Շաղո բարձեր բեռ մի խինա,
Իր Հովանին խարսնիք կենա,
Մեր էրիրական, դու մի էրիրա,
Զիս խըտ քեզի տարբեգար էրա:

Շաղո բարձեր բեռ մի քասա¹,
Հովան կենա նորափեսա,

¹ Աման, տալերք (Մ. Բ.):

Մեր էրիրական, դու մի էրիրա,
Զիս խրտ քեզի տարրեդար էրա:

Շատ բարե տարեք իմ մերկան¹,
Քիչ բարե տարեք իմ խերկան²
Սովեր ցամքին, էյնիմ իգամ,
Մեր էրիրական դու մի էրիրա,
Զիս խրտ քեզի տարրեդար էրա:

Շուշանը՝ նրա կինը իմանում ա, որ Հովանը խեղդվել ա, յա-
դու ա խմում, որ մեռնի ու իրա սիրտը իրա նշանածից հետո
ուրիշին չտա:

Շուշանը երգում ա.

Տո կիսրիկ, քարե մարիկ,
Մե էլե ճամփա իշկա,
Տո՛ տեքրիկ, պաղ ախաբիկ,
Պուտ մ'ջրիկ, խոքիս էլավ:

Շուշանը էս հաղը կրկըլացնելուց եզ մեռնում ա:

Շուշանի կեսուրը նրա բերանից ասում ա.

Տո՛ մարե, Շուշան դո՛ր ա,
Տո՛ լաո, դացե բեր³, սալն⁴ ա սրտին.
Տո՛ մարե, Շուշան դո՛ր ա,
Տո՛ լաո, դացե ջրի, սալն ա սրտին.
Տո՛ մարե, Շուշան դո՛ր ա,
Տո՛ լաո, դացե ջրի, սալն ա սրտին.
Տո՛ մարե, Շուշան դո՛ր ա,
Տո՛ լաո, դացե արտը, սալն ա սրտին:

Շաղոն, Շուշանը ու նրա կեսուրը մինչև հիմա թաղած կան
վանա ծովի դրաղին, մի տեղ ու վրեն քար կանգնեցրած, մարդիկ
գալիս են ուխտ:

1 Մորը (Մ. Բ.):

2 Հորը (Մ. Բ.):

3 Գրառման ձեռագրում բանահավաքը բացատրել է սուրու, մինչդեռ նշա-
նակում է ոչխարի կիթի վայրը (Մ. Կ.):

4 Քար (Մ. Բ.):
